



Publicaziuns dalla vischnaunca, jamna 19

Damonda da baghegiar

2016-1030.000

Datum dalla publicaziun: Ils 13 da matg 2016

Il patrun: Marcel Manetsch-Tobler, Via Scantschala 11 7183 Mumpé Medel

Il representant: Giovanmaria Sabbadini-Giger, Via Sogn Gions 15, 7180 Disentis/Mustér

Object: Niev baghetg annex, parcella 1082, Via Scantschala 11, 7183 Mumpé Medel

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/ Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 9 da matg 2016
Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2016 – 1001.000

Edgar Durschei-Keller, Via Ansauna 2, 7186 Segnas; construcziun d'ina tualetta vid la tegia da mises, colligiaziun d'aua e sfundrera senza deflussiun, parcella 3037, Run Cunel, 7186 Segnas.

Nr. 2016 – 1021.000

Tumaisch e Brigitte Fry-Kempf, Hohenweg 8, 8636 Wald ZH; plaz da seser cun tetg, casa sin parcella 549, Via Caschuarz 2, 7180 Disentis/Mustér.

Disentis/Mustér, ils 10 da matg 2016
Uffeci da baghegiar Disentis/Mustér

Carrar sin vias d'uual e vias funsilas

Sebasond sin la lescha forestala sco era il reglament da traffic basegna ei ina **carta da controlla** per astgar carrar sin las vias d'uual e las vias funsilas. Retscheiver ina carta annuala san:

- a) proprietari ed affittaders da beims immobiliars pigl access al schischom;
- b) furniturs, glieud da professiun, guardiacamonas, concessiunaris (purtaders d'ina patenta cantunala ni communal) per praticar lur activitads.

La taxa persunter munta **frs. 100.–**. Cumpriu en quella summa ein duas cartas annualas (ina da quellas ei transmissibla). La carta era vegnir retratga en fuorma d'in taccader (oravontut per motors e quads).

Taxas da carrar

Carta dil di frs. 15.–

jamnila frs. 30.–

annuala frs. 100.–

Las cartas ein da retrer tier l'administraziun communal. Las cartas dil di san, oravontut cura che l'administraziun communal ei serrada, era vegnir retratgas ella caffetaria dil Center da sport e cultura.

La polizia communal controllescha il carrar sin las vias d'uual e castigescha surpassaments.



Diever agricol

Per **maschinas agricolas** basegna ei **negina carta da controlla**. Pil diever agricol cun auters vehichels sto vegnir retratg tier l'administraziun communalala ina carta da legitimaziun. La taxa persuerter munta a frs. 20.–.

Attenziun Via Run

Muort il schliet stan dalla via vegn tschentau ora **neginas lubientschas dil di e dall'jamna per la Via Run**.

Suprastonza communalala

Administraziun communalala

Gliendisdis Tschuncheismas, ils 16 da matg 2016 resta l'administraziun communalala serrada igl entir di.

Administraziun communalala

Pumpiers Sursassiala

Inauguraziun dil niev autoscala

Di dallas portas aviartas

Sonda, ils 28 da matg 2016 ha liug l'inauguraziun dil niev autoscala el local da pumpiers Cuoz/Mustér. La festivitad entscheiva allas 11.00 cun il batten e la benedicziun dil niev vehichel entras nos plevons. Duront il suentermiezdi presentein nus nossas incaricas generalas, denton era las specialas sco agid stradal, uestonza ABC, cumbat d'incendis d'uual e mussein cun tgei mieds moderns ei vegn cumbattiu fiug ozildi. En nossa pintga ustria veis Vus la pusseivladad da gentar ni beiber zatgei. Nus selegrein da Vossa viseta e fagein a tuttas e tuts, specialmein ad anteriurAs pumpierAs dallas treis vischnaucas da Sursassiala, in cordial beinvegni!

Vos Pumpiers Sursassiala

Societad da musica Mustér

Concert primavaun

Sonda, ils 14 da matg 2016 allas 20.00 en halla Cons cun stiva da caffee

Sonda, ils 21 da matg 2016 allas 20,00 en halla Cons

L'entrada ei libra. Collecta.

Uniun samaritana Mustér

Cuors d'agid d'urgenza «Refresher»

L'Uniun samaritana Mustér organisescha quei cuors per tut ils interessents che han inaga frequentau il cuors agid d'urgenza (Nothilfekurs) e vulan refrestgentar las enconuschientschas fundamentalas da quel.

Datum: **Venderdis, 27-5-2016** allas 19.00–22.00

Liug: Casa da scola, Mustér

Annunzias: Ein da far entochen ils 17 da matg 2016 tier Letizia Schmed, tel. 079 486 41 92, e-mail: leti.schmed@miumail.ch



Sentupada Nordic Walking

Naven da **mesjamna, ils 18 da matg 2016** serimnein nus mintgamai allas 19.30 avon halla Cons. Prender part sa tut tgi che ha plascher da ir cun festa e far pintgas turas en cumpignia.

Sin stedia participaziun selegra
Erna Hosang

Corporaziun manteniment da vias Mompé-Medel

Radunonza generala

Mesjamna, ils 18-5-2016 allas 20.15 el local dall'uniun da scursalar Mompé-Medel.

Cordialmein envida
la suprastonza

Stalkino – Cinema Salaplauna

Film: Kampf der Königinnen (CH 2011)

Mittwoch, 25. Mai, 20 Uhr, Filmstart Kampf der Königinnen dokumentiert in bestechenden Schwarz-Weiss-Bildern das alljährlich im Mai stattfindende kantonale Finale der Walliser Kuhkämpfe. Ein erfrischend moderner Heimatfilm!
Klosterhof Salaplauna Disentis, Kollekte

Biblioteca populara Disentis/Mustér e contuorn

Bursa da brat

Nus essan buca mo ina biblioteca cun medias actualas nus essan era ina bursa da brat per maletgs da Panini. **Gievgia, ils 19 da matg e gievgia, ils 2 da zercladur 2016** mintga gada dallas 16.00 entochen allas 17.30 en la Biblioteca populara Disentis/Mustér e contuorn, casa da scola Cons, 7180 Mustér.

Praulas e historias cun Mats, la miur

Has ti gust da vegnir en biblioteca e tedlar praulas ni historias? Naturalmein astgas ti era prender cun tei tia mumma ni in'otra persuna accumpignonta.

Mats, la miur e nus dalla biblioteca raquitein a ti ina praula ord in cudisch da nossa valischa da surprasas e quei mintga gada il secund venderdis dil meins dallas 14.30 entochen ca. allas 15.30. Nus selegrein zun fetg sin tei ... Tgisà, forsa anflein nus mintgaton aunc enzatgei auter che mo cudischs en nossa valischa da surprasas! Cun ils pli cars salids e sin seveser tochen gleiti.

*Mats, la miur ed il team
dalla biblioteca populara Disentis/Mustér e contuorn*

Termins: 13 da matg ed ils 10 da zercladur 2016
